



Reykjanesbær 30.nóvember 2022

Keflavík, Íþrótt- og Ungmennafélag  
Sunnubraut 34  
230 Reykjanesbær

Umhverfis og skipulagssvið Reykjanesbæjar

Efni: Umferðin við Fimleikaakademíuna og Nettóhöllina

Keflavík fyrir hönd Knattspyrnu- og Fimleikadeildar félagsins óskar eftir því við Umhverfis og skipulagsráð Reykjanesbæjar að fara í úrbætur vað varðar stýringu á umferð við Nettóhöllina og Fimleikaakademíuna. Þar sem hugað er fyrst og fremst að öryggi iðkenda. Slysahætta er töluverð þarna, sérstaklega í skammdeginu. Það er ósk okkar að skoða verði hvort hægt sé að skipuleggja þetta svæði betur og stýra umferðinni í annan farveg með öryggi barnanna huga. Það eru nokkur hundruð iðkenda sem eiga leið þarna um á hverjum degi, stórir sem smáir.

Hér að neðan eru punktar frá deildunum sem þau hafa áhyggjur af og vilja koma á framfæri.


Knattspyrnudeild:

- Höfum áhyggjur af umferðarpunga seinnipart dags, kl.16 sérstaklega og kl.17. Þá eru yngstu iðkendur að klára og þeir sóttir í langflestum tilvikum af aðila á bíl. Börnin eru með skólatöskur og tilheyrandi eins og kom fram á fundi okkar.
- Gera þarf úrbætur og bæta lýsingu á planinu fyrir framan Nettóhöllina nú þegar daginn styttnir.
- Bæta þarf umferðarmerkingar varðandi einstefnu og kynna betur fyrir aðilum sem eiga leið þarna á bíl.
- Það væri mjög gott ef hægt væri að fá lögregluna til samstarfs að vera sýnilegri reglulega á þessum tíma þannig að fólk fari eftir reglum t.d. leggi í bílastæðin, í stað þess að stoppa hér og þar í akstursleiðinni og krakkarnir að hlaupa inn í bílana á götunni.
- Börnin eru nú þegar að skjótast á milli bíla, yfir götuna með fullar hendur af töskum og yfirhöfnum og gá oftar en ekki að sér. Sér í lagi þessi yngstu sem rétt ná upp fyrir húddið sum hver.
- Umferðin er oft þung í kringum höllina á þessum tíma þar sem líka er verið að sækja í íþróttakademíuna.
- Huga betur að hálkuvörnum á bílastæðinu og fyrir aftan höll við nýja gervigrasið þegar hálka er til að minnka slysahættu. Margir iðkendur sem fóta sig um á takkaskóm.

Spurning hvort við þurfum hreinlega að fara í smá herferð varðandi umferðaröryggi á planinu við höllina. Það þarf auðvitað ekki nema 2 ökumenn til að stífla allt og valda þessu veseni.



Reykjanesbær 30.nóvember 2022





Reykjanesbær 30.nóvember 2022

Fimleikadeild:

- Stjórn hefur áhyggjur af öryggi iðkenda á bílastæðinu þar sem börn eru oft að hlaupa á milli bíla til að komast inn og út og lítið pláss milli bíla vegna stærðar á bílastæðinu.
- Bílastæðið er hannað þannig að umferðin fer í hálfan hring en svo er hægt að leggja virðist vera í allar áttir og þá skapast mikill troðningur milli bíla. Það þarf klárlega að endurskipuleggja þetta bílastæði og skoða hvort þurfi að stækka það.
- Mikil aukning á bílaumferð hefur orðið vegna unglingadeildar Myllubakkaskóla og einnig má ekki gleyma að það var meira en fimleikar í Akadémíunni, það var verið að stunda golf á tímabili þarna líka.
- Skoða endurbætur á lýsingu á öllu svæðinu og huga að öryggi barnanna.
- Huga þarf að börnum sem koma úr strætó frá Nettó og ganga yfir hjá Akadémíunni og hlaupa yfir veginn til að komast inn á bílplan hjá knattspyrnuhöllinni. Það er göngustígur frá strætó sem liggur að Akadémíunni og skoða þarf tenginu við höllina.
- Mikilvægt að hafa svæðið allt frá strætó, göngustíg, Akadémiuplan og götuna á milli að höllinni og planið þar allt í takt því þetta heildarsvæði er mikið notað og mörg ung börn að koma úr einkabílum og einnig strætó og þetta þarf að vera vel upplýst og vel skipulagt svæði

*Einar Haraldsson*

Einar Haraldsson

.h. KEFLAVÍK   
Kfr: 590794-2019